

Filemon

¹Ŋai Pol Jesus Kristus san subanek tamol girek en ŋigire da. Id teid Timoti dam ŋai da mumado da. Girek en maŋanema bubema buson di urat kisaek Filemon, ²agod midaeŋ oŋsa ab lo dutumani na yan dam aŋsam na ŋigire da. Apfia idaned lud, agod Akipus iŋ maŋ da sisem Kristus san yu tamol igo woŋ, girek en miganeg sam na ipalu da.

³Ŋaisag ilog lo Bai Anut agod Jesus Kristus Tubun en da iŋsad ilo panek agod bube maror aŋ dupanaŋ o ibol da.

Pol san ilo uyan gadiŋ

⁴O teig Filemon, saen ŋai Anut ŋugudani dan lo, oŋ o pempem ilog isou dop, Bai Anut ilo uyan ŋupani da. ⁵Man dugo, oŋane ilo rumok Jesus Tubun ak lo yan, agod iŋanen tamolpein gun ak fidian niŋedi wo umat dan dam, ŋai ŋaloŋ a. ⁶Ŋai Anut ŋusumianip, aenta naod na oŋane ilo rumok kuai tem ubol ilasa dan lo se dabai ipanop, an lo nuŋon uyan uyan ak a id o Kristus lo yen dan uloŋ uyanan a. ⁷O teig, oŋsa ilo panek an ŋai ilo uyan tubun kasik, agod tan suek uyanan geig ipanag da. Man dugo, oŋ Anut san gun adi binawaig lo ilod pasa ibol a.

Pol Filemon ilon iŋane wo ibol da

⁸Amaiak niŋen o ŋai Kristus lo yak seg isodudunag ŋilasa dop, mel a oŋ gane san an itaot gane wo ka ŋusoduduno wa. Ago bo man ru kubiaeŋ naok ago yak ŋurupaio man ŋamoi da. ⁹Tia, oŋ ŋai da nug ilon tupani da, fun an lo man oŋ ilo ŋiŋane wo ilog tubun mi yen da. Awo, ŋai Pol, tamol wagam ag ŋilasa ya, agod gamu dam Jesus Kristus san subanek tamol ŋumado dan, ¹⁰Onesimus,^a ŋaineŋ nanuk igo woŋ, oŋ iŋ maror lo ŋane wo ŋugudano da. Saen ŋai sein nam dusubanag an lo, iŋ Jesus Kristus ilon lo rumok a, an lo iŋ ŋaisiganeg nanuk mok igo ilasa ya. ¹¹Imug mi oŋ mala lo iŋ tamol lou aman tia yak igo imado se ya, ak gug gamu man oŋ o, agod ŋai o dam, tamol lou aman da yak igo ilasa ya.

¹²Gidad ŋaineŋ bubeg fidian iŋ lo yen dak bo man, gamu ŋai oŋsa na ŋidinig ipalu da. ¹³Ŋai ŋabituanip, saen ŋai bilaluŋ uyanan ak niŋen

^a Grik ru lo, Onesimus yaŋan san fun man: lou aman da yak.

subanek lo n̄umado dan n̄injen o, iŋ oŋ wage lo ibinawag o ilog ibol da. Ago bo man, ¹⁴mel ta a oŋ uyan ta pani na yan n̄igane san o ilog ta ibol na ya. Ago dop man mel dugon uyan ak gane wo man, oŋse ilo nam gane wa. Ak gug kagin an n̄injen n̄ai ta n̄usoduduno na wa.

¹⁵Nag saen katukan mi oŋ ibisawog isol yau a, an san fun man, iŋ imul gup pempem mi oŋ da sisem amado wak boi. ¹⁶Gubak mi iŋ oŋsa bigabeg urat igane ya. Gug gamu tia ya, tia, gamu man oŋane tei mok Kristus lo yak igo oŋ ka n̄ane wa. N̄ai iŋ o bubeg bulbal da, oŋ dam rumok nek ago mi a, iŋ tinin lo agod Tubun en lo dam ibinawo wa. ¹⁷Amaiak n̄injen o, oŋ n̄ai oŋane tura igo woŋ liag tap man, oŋ n̄ai n̄iliag ak ago mi Onesimus dam n̄ane wa. ¹⁸Mel ta lo muruan ipano boi, tia, oŋane gubun ta tinin lo yen tap, n̄ai yanag paen na ganep, an lo gubun an n̄ai tinig lo yen a. ¹⁹N̄ai Pol ru en seg banig nam n̄igire dan lo igo n̄abol, n̄aiseg mi iŋanen gubun n̄ukubunep itout a. N̄aisag gubun a oŋ tini lo yen dan man oŋse mi, kabelan oŋ an ilo iŋaon̄ banau. ²⁰Awo teig, oŋ Tubun ak san a, ak n̄injen o lou uyan ak ta panag o ilog ibol da. Agod Kristus n̄injen o dam oŋ n̄aineŋ bubeg maror pani wo ilog yen da.

²¹N̄ai awag uri pani san o tinig n̄upano da. Ak n̄injen o girek en oŋsa na n̄igire den lo n̄alon̄ ak, mel e n̄injen n̄usumiano den oŋ itaot ganep subun̄an taidam gane panag a.

²²N̄ai mel kisaek taidam n̄injen n̄usumiano da. Galuŋ ta kubune panag a. Man dugo, n̄ai ilog yen dak man, aŋ gudanek wei mi agane dan lo, Anut aŋsam gudanek awan yabi dop lo fon n̄amul pe naom na n̄ilasa wa.

Ru wadan

²³Epafras dam iŋ n̄ai da Jesus Kristus n̄injen subanek ab lo mumado dan, iŋanen ilo uyan ru aŋsam na iganeg ipalu ya. ²⁴Nek ago mi n̄aisag urat kisaek adi, Mak, Aristakus, Dimas, agod Luk, iŋaned ilo uyan dam dupan̄aŋ da.

²⁵Tubun ak Jesus Kristus san ilo panek an aŋanem n̄utum fidian da itumanip amado.